

**FRAMSELD REGLUGERÐ FRAMKVÆMDASTJÓRNARINNAR (ESB)
nr. 310/2012****2013/EES/16/52****frá 21. desember 2011****um breytingu á reglugerð (EB) nr. 1569/2007 um að koma á fót aðferð til að
ákvarða jafngildi reikningsskilastaðla sem útgefendur verðbréfa í þriðja landi beita
samkvæmt tilskipunum Evrópuþingsins og ráðsins 2003/71/EB og 2004/109/EB (*)**FRAMKVÆMDASTJÓRN EVRÓPUSAMBANDSINS
HEFUR,er samkvæmt tilskipun 2003/71/EB, er rétt að sömu
viðmiðanir fyrir ákvörðun jafngildis gildi fyrir báðar
þessar tilskipanir.með hliðsjón af sáttmálanum um starfshætti Evrópusam-
bandsins,með hliðsjón af tilskipun Evrópuþingsins og ráðsins 2003/71/
EB frá 4. nóvember 2003 um útboðs- og skráningarlýsingu
sem birta skal við almennt útboð verðbréfa eða þegar þau eru
tekin til skráningar og um breytingu á tilskipun 2001/34/EB ⁽¹⁾,
einkum fyrstu undirgrein 3. mgr. 20. gr.,með hliðsjón af tilskipun Evrópuþingsins og ráðsins 2004/109/
EB frá 15. desember 2004 um samhæfingu krafna um gagnsæi
í tengslum við upplýsingar um útgefendur verðbréfa sem eru
skráð á skipulegan markað og um breytingu á tilskipun 2001/34/
EB ⁽²⁾, einkum fjórðu undirgrein 4. mgr. 23. gr.,

og að teknu tilliti til eftirfarandi:

1) Í ákvæðum 4. mgr. 23. gr. tilskipunar 2004/109/EB er þess krafist að framkvæmdastjórnin komi á kerfi til að tryggja jafngildi upplýsinga sem krafist er samkvæmt þessari tilskipun. Þess er krafist að framkvæmdastjórnin samþykki ráðstafanir til að koma á fót almennum jafngildisviðmiðunum varðandi reikningsskilastaðla sem varða útgefendur í fleiri en einu landi. Í ákvæðum 4. mgr. 23. gr. tilskipunar 2004/109/EB er þess einnig krafist að framkvæmdastjórnin taki ákvarðanir í tengslum við jafngildi reikningsskilastaðla, sem útgefendur í þriðja landi nota, og gerir framkvæmdastjórninni kleift að heimila notkun reikningsskilastaðla þriðja lands í hæfilega langan aðlögunartíma. Þegar höfð er í huga nán samtenging upplýsinganna, sem krafist er samkvæmt tilskipun 2004/109/EB og upplýsinganna, sem krafist

2) Til samræmis við það var í reglugerð framkvæmdastjórnarinnar (EB) nr. 1569/2007 ⁽³⁾ mælt fyrir um skilyrði fyrir samþykki reikningsskilastaðla þriðja lands í takmarkaðan tíma til 31. desember 2011.

3) Framkvæmdastjórnin lagði mat á gagnsemi og virkni jafngildisaðferðarinnar og komst að þeirri niðurstöðu að rétt væri að framlengja hana um þrjú ár til 31. desember 2014. Þar sem fresturinn sem framkvæmdastjórnin setti varðandi skilyrðin fyrir ákvörðun á jafngildi góðra reikningsskilavenja (GAAP) í þriðju löndum rann út 31. desember 2011, gildir þessi reglugerð frá 1. janúar 2012. Þetta er nauðsynlegt til að skapa réttarvissu fyrir útgefendur frá viðkomandi þriðju löndum, sem skráðir eru á markað í Sambandinu, og komast hjá þeirri áhættu að þeir gætu þurft að samræma reikningsskil sín alþjóðlegum reikningsskilastöðlum (IFRS). Með því að kveða á um afturvirkni er mögulegri viðbótabyrði létt af hlutaðeigandi útgefendum.

4) Í því skyni að tryggja að jafngildi reikningsskilastaðla þriðja lands sé ákvarðað í öllum tilvikum sem skipta máli fyrir markaði í Evrópusambandinu skal framkvæmdastjórnin meta jafngildi reikningsskilastaðla þriðja lands, annaðhvort að beiðni lögbærs yfirvalds í aðildarríki eða yfirvalds, sem er ábyrgt fyrir reikningsskilastöðlum, eða markaðseftirliti í þriðja landi, eða að eigin frumkvæði. Framkvæmdastjórnin skal hafa samráð við Evrópsku eftirlitsstofnunina á verðbréfamarkaði (ESMA) að því er varðar tæknilegu atriðin við matið á jafngildi viðkomandi reikningshaldsstaðla. Útgefendur innan Sambandsins skulu einnig hafa heimild til að nota alþjóðlega reikningsskilastaðla sem voru innleiddir samkvæmt reglugerð Evrópuþingsins og ráðsins (EB) nr. 1606/2002 ⁽⁴⁾ í hlutaðeigandi þriðja landi.

(*) Þessi EB-gerð birtist í Stjtið. ESB L 103, 13.4.2012, bls. 11. Hennar var getið í ákvörðun sameiginlegu EES-nefndarinnar nr. 17/2013 frá 1. febrúar 2013 um breytingu á IX. viðauka (Fjármálaþjónusta) við EES-samninginn, sjá EES-viðbætur við Stjórnartíðindi Evrópusambandsins, bíður birtingar.

⁽¹⁾ Stjtið. ESB L 345, 31.12.2003, bls. 64.

⁽²⁾ Stjtið. ESB L 390, 31.12.2004, bls. 38.

⁽³⁾ Stjtið. ESB L 340, 22.12.2007, bls. 66.

⁽⁴⁾ Stjtið. EB L 243, 11.9.2002, bls. 1.

- 5) Því ber að breyta reglugerð (EB) nr. 1569/2007 til samræmis við það.

SAMÞYKKT REGLUGERÐ ÞESSA:

1. gr.

Í stað 4. gr. reglugerðar (EB) nr. 1569/2007 komi eftirfarandi:

„4. gr.

Skilyrði fyrir samþykki reikningsskilastaðla þriðja lands í takmarkaðan tíma

1. Heimila má útgefendum í þriðja landi að nota reikningsskil, sem eru gerð í samræmi við reikningsskilastaðla þriðja lands í því skyni að uppfylla skyldur sínar samkvæmt tilskipun 2004/109/EB og, með undanþágu frá 5. mgr. 35. gr. reglugerðar (EB) nr. 809/2004, að leggja fram eldri fjárhagsupplýsingar samkvæmt þeirri reglugerð fyrir tímabil sem hefst einhvern tíma eftir 31. desember 2008 og lýkur eigi síðar en 31. desember 2014, í eftirfarandi tilvikum:

- a) yfirvald það í þriðja landi sem er ábyrgt fyrir innlendum reikningsskilastöðlum hefur skuldbundið sig opinberlega til að gera þá staðla samleitna alþjóðlegum reikningsskilastöðlum eigi síðar en 31. desember 2014 og hvort tveggja eftirfarandi skilyrða eru uppfyllt:
- i. yfirvald það í þriðja landi sem er ábyrgt fyrir hlutaðeigandi innlendum reikningsskilastöðlum hefur gert heildstæða samleitniáætlun sem unnt er að ljúka fyrir 31. desember 2014,
- ii. samleitniáætlunin er framkvæmd tafarlaust og á skilvirkan hátt og nauðsynlegum fjármunum til að ljúka henni er úthlutað til framkvæmdar hennar,

- b) yfirvald það í þriðja landi sem er ábyrgt fyrir hlutaðeigandi innlendum reikningsskilastöðlum hefur skuldbundið sig opinberlega til að innleiða alþjóðlega reikningsskilastaðla fyrir 31. desember 2014 og gerðar hafa verið árangursríkar ráðstafanir í þriðja landinu til að tryggja tímanlega og algjöra framkvæmd þeirra eigi síðar en þann dag.

2. Allar ákvarðanir skv. 1. mgr. um að heimila áframhaldandi viðtöku reikningsskila, sem eru gerð í samræmi við reikningsskilastaðla þriðja lands, skulu teknar í samræmi við málsmeðferðina sem um getur í 24. gr. tilskipunar 2003/71/EB og 2. mgr. 27. gr. tilskipunar 2004/109/EB.

3. Ef framkvæmdastjórnin heimilar áframhaldandi viðtöku reikningsskila, sem eru gerð í samræmi við reikningsskilastaðla þriðja lands í samræmi við 1. mgr., skal hún endurskoða reglulega hvort skilyrðin, sem eru tilgreind í a- eða b-lið (eftir atvikum), séu áfram uppfyllt og til samræmis við það skal hún senda skýrslu til Evrópuþingsins.

4. Efskilyrðin í a- eða b-lið 1. mgr. eru ekki lengur uppfyllt skal framkvæmdastjórnin taka ákvörðun í samræmi við málsmeðferðina sem um getur í 24. gr. tilskipunar 2003/71/EB og 2. mgr. 27. gr. tilskipunar 2004/109/EB um breytingu á ákvörðun sinni skv. 1. mgr., að því er varðar þessa reikningsskilastaðla.

5. Þegar framkvæmdastjórnin fer að þessari grein skal hún fyrst hafa samráð við Evrópsku eftirlitsstofnunina á verðbréfamarkaði (ESMA) um samleitniáætlunina eða um framvinduna við innleiðingu alþjóðlegru reikningsskilastaðlanna, eftir atvikum.“

2. gr.

Reglugerð þessi öðlast gildi á þriðja degi eftir að hún birtist í *Stjórnartíðindum Evrópusambandsins*.

Hún kemur til framkvæmda frá og með 1. janúar 2012.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 21. desember 2011.

Fyrir hönd framkvæmdastjórnarinnar,

forseti.

José Manuel BARROSO